

Ilanngussaq 1**Ilinniagaqarnerisutit pillugit Inatsisartut inatsisaata allanngortinnera pillugu Inatsisartut inatsisissaattut siunnersuutip tusarniaassutigineqarneranut akissuteqaat****Tusarniaanermut akissutit taakkulu ilanngullugit suliarineqarnerat skemanngorlugit saqqummiunneqarnerat**

Oqaaseqaatit	Tusarniaavigi-saq	Ilanngullugit suliarineqar-pa	Tunngavilersuut
Siunnersuut assut naammagisimaarneqarpoq, matumani pingaartumik ilinniakkamik sukkanerusumik naammassinninnissamik aamma tamanna ilinniarfissatut piffissaliussap iluani pinissaanik kajumissuseqarnerulersitsineq ilanngullugu eqqarsaatigalugu. Tamanna Imarsiornermik Ilinniarfimmi inuussutissarsiuutitigut tunngaviusumik ilinniartitaanernut tunngatillugu siusinnerusukkut ilinniarnermik aallartitsinissamut kajumilersitsissaaq.	Kalaallit Nunaanni Imarsiornermik Ilinniarfik	Naamik	Oqaaseqaatit siunnersuummik allannguinnissamut pissutissaqalersitsinngillat.
Inuussutissarsiuutitigulli tunngaviusumik ilinniartitaanermik naammassinninnissamut ukiunut piunasaqaatit sukaterneqartariaqarput, assersuutigalugu 22-nut, taamaalilluni ilinniartitaanerni ingerlaqqiffiusuni,	Kalaallit Nunaanni Imarsiornermik Ilinniarfik	Naamik	Ukiunut piunasaqaatit annerusumik sukateriffigineqarnissaat siunnertamut naapertuuttutut isumaqarfigineqanngilaq, tassami Naalakkersuisut inuussutissarsiuutitigut ilinniartitaanernut tunngatillugu pisortatigoortumik anguniagaannit

bachelorinngorniarfiusuni sivikinnerusuni 26-nik ukioqarnissamut sanilliullugit.			nigorternertut isumaqarfigneqarsinnaammat.
Siunnersuut tunngaviatigut suliniutaavoq pitsaasoq ilinniartorpassuarnut ilinniarnerninnut atatillugu annertuumik akiitsoqalersimasunut iluqaqaasussa.	AK	Naamik	Oqaaseqaatit siunnersuummik allannguinnissamut pissutissaqalersitsinngillat.
Inatsisip allannguutaa inatsimmi § 33, imm. 1-imut sanilliunneqarnerani isumannartoqartinneqarpoq. Aalajangersakkamit erserpoq Naalakkersuisut ilinniarnermi taarsigassarsiat akilersornissaannut ikioqqulluni qinnuteqarnermut atatillugu, taarsigassarsisoq ilinniarnermi taarsigassarsiat akilersornissaannut tapiissutunik naatsorsuiner mut kiisalu ilinniarnermi taarsigassarsiat tamakkiisumik ilaannakkortumilluunniit isumakkeerneqartariaqarnerani k naliliinissamut atugassanik paasissutissanik pisariaqartinneqartunik tamanik tunniusseqqusinnaagaat. Taamaalilluni inatsisissatut siunnersuutip akuerineqarnerata kingornatigut pisariaqartitsinermik naliliineq tunngavigalugu imaluunniit taarsigassarsiat akilersornissaannut	AK	Naamik	Inatsisikkut § 33, imm. 1-ikkut taamaallaat aalajangersarneqarpoq taarsigassarsisoq § 31 naapertorlugu tapiissutunik qinnuteqartoq piumasagaatinik eqqortitsinersoq paasinialugu paasissutissanik pisariaqartinneqartunik tunniusseqquneqarsinnaasoq. Tassunga atatillugu paasissutissiisutigineqarsinnaa- voq qinnuteqartoq §§ 30-mi amma 31-mi piumasagaatinik eqqortitsiguni § 31 tunngavigalugu qinnuteqartoq tapiissutunik pisinnaatitaammat.

<p>piumasaqaatitaqanngitsumik tapiissutunik inatsisitigut pisinnaatitaanersoq pillugu qulaajaasoqarnissaa ujartorneqarpoq.</p>			
<p>Kommunip allannguutissatut siunnersuutit isumaqatigisinnaavai, tassami nalilerneqarmat siunnersuutikkut ilinniagaqarnersiutit pillugit malittarisassat kajumissuseqalersitsineruneq tapersersorneqartoq.</p> <p>Kommunip aammattaaq isumaqatigaa, taarsigassarsiat akilersornissaannut tapiissutit pillugit malittarisassani tunngaviusoq, tassalu ilinniartup Kalaallit Nunaanni najugaqartuunissaa, tassami ilinniartumut nunani allani ilinniarnermik naammassinninnerup kingornatigut Kalaallit Nunaannut uternissamut tamanna kajumilersitsissammat.</p>	<p>Kommune Kujalleq</p>	<p>Naamik</p>	<p>Siunnersuummik allanngortitsinissamut oqaaseqaatit pissutissaqalersitsinngillat.</p>
<p>§ 20a, imm. 3 -mi ”diskonto” ”erniat pillugit inatsimmik” taaneqartariaqarpoq</p>	<p>Kommune Kujalleq</p>	<p>Naamik</p>	<p>Oqaaseqaatit ilanngullugit suliarineqanngillat, inatsimmi § 16-ip atuuttup assinganik oqaasertalerneqarmat.</p>
<p>”Ullormi akiitsut akilerneqarfianni” ullormi inaarutaasumik akiitsut akilerneqarfiannik paasineqassava?</p>	<p>Kommune Kujalleq</p>	<p>Aap</p>	<p>Aap, oqaatigineqarneratut akilerneqarfiannik paasineqassaaq.</p>

<p>§ 31, imm. 2-mi akiliutigineqartut 50 %-ii pineqartut taaneqartariaqarput.</p>	<p>Kommune Kujalleq</p>	<p>Naamik</p>	<p>Imm. 1-imi aalajangersakkamut innersuussinermi tamanna ersereerpoq.</p>
<p>Oqaaseqaatit malitsingannik, ilinniarnermi akiitsorilersimasat malittarisassat atuuttut naapertorlugit inunnu Kalaallit Nunaanni aalajangersimasumik najugalimmut tunniunneqartarput.</p> <p>Ilinniarnermik naammassinninnerup imaluunniit taamaatitsinerup kingorna toqqaannartumik angerlarneq ersarissarneqartariaqarpoq, tassami kalaallit ilinniartut ilai inissaaleqinissap aarlerinaateqarnera pissutigalugu Danmarkimut sulii nunassiinnartarmata.</p>	<p>Avalak</p>	<p>Naamik</p>	<p>Kukkusumik allanneqarsimassapput, tassami siunnersuummut oqaaseqaatinit uku erserput: "Inunnu ilinniakkaminnik naammaassinnissimasunut imaluunniit ilinniakkaminnik unitsitsisimasunut Kalaallit Nunaanni aalajangersimasumik najugalinnut malittarisassat malillugit ilinniarnermi akiitsorilersimasaasa akilersorneqarnissaannut tapiissuuteqartoqartarpoq."</p> <p>Kalaallit Nunaannut toqqaannartumik angerlarnissamut piunasaqaateqanngilaq. Malittarisassakkut qinnuteqaatip tunniutinnginnerani minnerpaamik qaammatini pingasuni Kalaallit Nunaanni aalajangersimasumik najugaqarsimanissaq taamaallaat aalajangersarneqarpoq. Ilinniakkamik naammassinninnerup kingornatigut Kalaallit Nunaannut uteqqinnginnermi piffissami utaqqigaanni tapiiffigineqarnissamut periarfissaq taamaalilluni annaaneqassanngilaq.</p>
<p>Kalaallit ilinniartut danskinit ilinniartunit ajornerusumik inissimalersinnaapput, tassami siunnersuummi allaaserineqarpoq</p>	<p>Avalak</p>	<p>Naamik</p>	<p>Oqaaseqaatini kukkusoqarsimassaaq, tassami danskit ilinniartut ilinniarnermi ernianut ukiumut 4 %-imik akiliisarmata. Tamanna</p>

<p>tunniussinermi diskonto 1 %-imik ilallugu ernialersuisoqaleriissasoq. Kalaallinut ilinniartunut danskinut ilinniartunut sanilliullugu ajorseriaataavoq, taakku diskonto 3 %-imik ataallugu akiliisarput.</p>			<p>diskontomit pisortatigoortumit anneruvoq, taanna maannakkut 0 % missaaniippoq.</p> <p>Siunnersuummi ernianik niuerfinni atugassarititaasut malillugit aalajangersaasarneq Avalaap ilaasortaanut ataneqartillugu tamanna ataasiartumik taarsigassarsianut taamaallaat atoneqartussatut isigineqarpoq. Aammattaaq taarsigassarsinermi atugassarititaasut iluaqusiisorujussuussapput, tassami ilinniartut tapiissutinut malittarisassat tunngavigalugit taarsigassarsianut utertillugit akiliutigineqartut minnerpaamik 50 %-iinik tapiiffigineqassagamik. Tamatumunnga ilanngunneqassaaq tapiissutit piumasaqaatinik annertunerusunik naammassinnittoqarpat assersuutigalugu ilinniarfissatut piffissaliussap iluani naammassinnittoqartillugu 100 %-inik qaffanneqarsinnaanerat.</p>
<p>Inatsisissatut siunnersuut ukiunut piumasaqaatitaqarpoq, taakku eqqortinneqarsimassapput nammineq akiliutigisimasat 100 %-iinik tapiiffigineqassagaanni. Ukiunut piumasaqaatit qanoq anguneqarpat, tassami ilinniartut ilaat kandidatinnigorniarnertik aatsaat 30-inik ukioqalernermi nalaani naammassinnittarmata.</p>	<p>Avalak</p>	<p>Naamik</p>	<p>Siunnersuut imatut oqaasertalerneqarsimavoq, ilinniakkamik naammassinninnerup imaluunniit ilinniakkamik unitsitsinerup kingornatigut Kalaallit Nunaannut utermermi, minnerpaamik kr. 6000-inik akiliuteqarnerni tamani akiliutigineqartut 50 %-iinik akiitsut appaavigineqartassasut. Siunnersuummi ukiunut killiliussat iluanni ilinniarnermik naammassinnissimagaanni</p>

			<p>qaavatigut 50 %-inik appaaviginnittoqarsinnaavoq. Taamaattoqarpallu ilinniarnermi akiitsut ikilisinniarlugit akilersorneqarsimasut 100 %-iinik tapiiffigineqartoqarsinnaalluni. Tassunga atatillugu oqaatigineqassaaq ukiunut piunasaqaatit aalajangersarneqarsimapput Naalakkersuisut Ilinniartitaanermut Periusissiaanni anguniagaasut aallaavigalugit. Ilinniakkap sukkanerusumik naammassinninnissamut inuiaqatigiinnut iluaqutaasumik kajuminnerulersitsinissaq siunertaavoq, taakku ilinniagaqarnersiutinik tunniussisartuugamik, matumani taarsigassarsiallu utertillugit akilersornissaannut tapiiffiginnittartuunerat ilanngullugu.</p>
<p>Kalaallit ilinniartut ilinniarnermi taarsigassarsiat danskit SU-aneersut akilersornissaannut tapiissutit danskit naalagaaffianut akilersorneqassapput, tak. siunnersuummi § 31, imm. 4. Kalaaleq Danmarkimi ilinniartoq danskit naalagaaffianit taarsigassarsiguni kingunissaasa suuneri pillugit ersarissaasoqarnissaanik kissaateqartoqarpoq.</p>	Avalak	Naamik	<p>Tassunga tunngatillugu oqaatigineqassaaq Danmarkimi taarsigassarsiat aamma utertillugit akilerneqartussaammata.</p> <p>Kalaallit ilinniagaqarnersiuteqartitsinermut malittarisassa atavaqqullugit taarsigassarsinerit taakku pisaraluartut kalaallit Danmarkimi ilinniartut danskit naalagaaffianit stipendiaqartitsinermut 1. januar 2013-imi ikaarsaartoqarneranut atatillugu Kalaallit Nunaanni ilinniartunut sanilliullugit ajornerusumik</p>

			<p>inissisimalersinneqassanngitsut aallaaviutinneqarsimavoq. Tamanna naapertorlugu SU-Aqutsisoqarfimmit taarsigassarsiat akilersornissaannut tapiiffigineqarnissaq aamma ajornanngilaq.</p>
<p>Naalagaaffiup Ilinniagaqarnersiuteqartitsivian it taarsigassarsiat akilersornissaannut tapiiffigineqarsinnaanermi Kalaallit Nunaannut attuumassuteqarnissaq piumasqaataanera ersarissartariaqarpoq, immikkoortitsisoqannginnissaa siunertaralugu. Kalaallit ilinniartut ilaasa Kalaallit Nunaata aamma/imaluunniit Danmarkip avataani ilinniarnissartik toqqartarpaat piginnaasat qaffassarusullutik, Danmarkimi Kalaallillu Nunaanni sulisoqarniarnikkut iluaqutaasumik. Taamaattumik Kalaallit Nunaanni ilinniakkamik ingerlatsisutulli pisinnaatitaaffeqartariaqarput.</p>	Avalak	Naamik	<p>Oqaaseqaatit paatsuuinermik tunngaveqarsimassapput, tassami Kalaallit Nunaannut attuumassuteqarnek ilinniakkap sumi naammassineqarneranut attuumassuteqanngimmat imaluunniit ilinniarnermi taarsigassarsiat danskit imaluunniit kalaallit ilinniagaqarnersiuteqartitsinermut malittarisassa at naapertorlugit taarsigassarsisoqarsimanera apeqqutaanngimmat. Ersarissaaneq ataasiinnarmik siunertaqarpoq, tassalu aalajangersassallugu utertillugit akilersuinissamut tapiissutit taamaallaat kalaallinut ilinniartunik taaneqartunut tunniunneqartartussaanerat. Taamaattumik inuk assersuutigalugu Danmarkimi ilinniakkaminik naammassinnissimasoq Kalaallit Nunaanni suliffeqalertussaq tassungalugu atatillugu siullermeerluni Kalaallit Nunaanni najugaqalertussaq danskit naalagaaffianut ilinniarnermi akiitsorilersimasani akilersornissaannut tapiiffigineqarsinnaannginnera. Tamanna pineqartup naammattumik Kalaallit</p>

			<p>Nunaannut attuumassuteqannginneranik pissuteqarpoq.</p> <p>Aamma erseqqissartariaqarpoq kalaallit ilinniagaqarnersiuteqartitsinermut malittarisassaataamaallaat inuiaqatigiinnut kalaallinut iluaqutaasussanngorlugit allanneqarsimanerat nunanut allanut sulisoqarnikkut iluaqutissanngornagit.</p>
<p>Oqaaseqaatit aningaasaqarnikkut allaffissornikkullu pisortanut kinguneri pillugit immikkoortut pingajuanni ilimagineqarpoq nunatta karsiata ukiumut erniatigut isertittagassai agguaqatigiissillugu ukiuni tallimani ilinniagaqarsimanissamik naatsorsuutiginninneq aallaavigalugu ukiut tallimat tulliuuttut amerlissasut, taamaalilluni ukiumut 2.350.000 kr.-inik isertitaqartoqartassaaq. Kisitsisit taakku qulaajaavigineqarnissaat piumasarineqarpoq.</p>	Avalak	Naamik	<p>Immikkoortumi kisitsisit nalunaarutigineqartut imatut paasineqassapput, soorlu nunani allani sanerlersuunneqartartuni pisoqartartoq, tassalu piffissami tunniussinermiit ernialersuisoqalertarnera malillugu siunnersuummi aalajangersaasoqassasoq, tamanna isumaqarpoq nunatta karsiata ukiumut erniatigut isertittagassai ukiuni tallimani siullerni aaqquissuussinermi nutaami ukiumut 2.350.000 kr.-inik isertitaqartassasoq. Naatsorsuinermi 2014-imi taarsigassarsisut maannakkullu diskontomi erniaritinneqartoq aallaavigineqarput.</p>
<p>Siunnersuutikkut ilinniartut ilinniakkanik piffissaq eqqorlugu naammassinninnissamut kajumissuseqalersitsiniarneq oqaatigineqarpoq. Tamatumani ajornartorsiut unaavoq,</p>	Avalak	Naamik	<p>”Ilinniarfissatut piffissaliussaq”-mik oqarnermi ilinniagassat tamarmik sulinermi tiiminut aalajangersarneqartarnerannut tunngavoq, ukiunut qaammatinullu aalajangersarneqartartoq. Ukiuni arfinilinni ilinniarfissatut</p>

<p>inatsisissatut siunnersuummi ilinniarnermi piffissaliussap ukiunik tallimanik sivissuseqarnera. Ilinniartitaanerilli ilaat ukiunit tallimanit sivisunerusinnaapput. Ilinniartunut 1. august 2016 sioqqullugu kingornalu pingaartumik ilinniarnerminnik aallartitsisunut tamanna ajornartorsiortaasinnaavoq. Inatsisissatut siunnersuummit erserpoq ilinniagaqartut 1. august 2016 nallertinnagu ilinniakkaminnik aallartitsisut ilinniarnermi taarsigassarsiaasa akilersorneqarnissaannut siusinnerusukkut malittarisassat atuuttut naapertorlugit tapiissuteqartoqartassasoq. Inatsisissatut siunnersuut atuutilertussatut naatsorsuutigineqarpat, taava siunissami kalaallinut Kalaallit Nunaanni avataaniluunniit ilinnialerusuttunut tamanna nalunaarutigineqartariaqarpoq.</p>			<p>piffissalernerqarsimasumi ilinniartoq ukiut arfinillit taakku iluanni ilinniakkaminik naammassinnikkuni ilinniarnermi taarsigassarsiat akilersornissaannut tapiissutit qaavatigut 50 %-inik tapiiffigineqarsinnaavoq.</p> <p>Taamaattumik paattuineruvoq isumaqartoqaruni ilinniartut ilinniarfissatut piffissaliussaq ukiunik tallimanik sivisunerusumik ilinniarnermi ajornartorsiutinik nassataqassasoq.</p> <p>Ikaarsaariarnermi aalajangersakkamut tunngatillugu imaassaaq, piffissami siunnersuutip atuutilerfiani ilinniakkamik tapiiffigineqarsinnaasumik aallartitserersimasunut siunnersuut atorneqarsinnaassanngitsoq. Matumani piffissaq atuutilerfia sioqqullugu ilinniakkamik aallartitsisut eqqarsaatigineqarput. Siunnersuut tamanut nalunaarutigineqarpoq nalunaarutiginninnermut malittarisassat nalinginnaasut naapertorlugit tamannalu pillugu nalunaarutiginnittoqarlunilu ilitersuisoqassaaq.</p>
<p>Kalaallit Danmarkimi ilinniartut attaveqannginnertik angerlarsernertillu pissutigalugit artorsartarput, soorlu aamma Kalaallit Nunaannut nuunnissaq</p>	<p>Avalak</p>	<p>Naamik</p>	<p>Ilinniartut taarsigassarsianut namminneq akiligaasa minnerpaamik 50 %-iinik allaalluunniimmi 100 %-iinik inuiaqatigiit utertillugit akiliuteqartarnerat</p>

<p>ajornaatsuunngitsoq, Kalaallit Nunaanni ineqarnermut akiliutit</p> <p>paaqqinnittarfimmiittuuteqarnerlu akisunerummata.</p> <p>Taamaalilluni kalaallinut ilinniartunut ilinniakkamik naammassinninnerup kingornatigut Kalaallit Nunaanni illoqarfinni annerni angerlarsimaffittaarnissaq akisuneruvoq.</p> <p>Taamaalilluni ilinniarnermi taarsigassarsiat akilersornissaannut tapiiffigineqarnissaq ajornanngilaq.</p> <p>Danskit ilinniarnerminnik naammassinnittut Kalaallit Nunaanniinnerminni taarsigassarsiat utertillugit akilersulernissaannut kinguartitsisinnaapput.</p> <p>Kalaallinut ilinniarnerminnik naammassinnittunut tamanna ajornarpoq. Taarsigassarsiat tunniunneqariitsiaannartut ernialersorneqalertarnerisa kingunerannik ilinniakkamik naammassinninnermi taarsigassarsiat annertuumik annertuseriartarput.</p>			<p>eqqarsaatigalugu inerniliunneqartariaqarpoq, assersuutigalugu danskinit ilinniartunit atugarissaarnerunikkut qulakkeerunneqarsimanerat.</p> <p>Taakku qaavatigut ilinniartunut allanut sanilliullutik immikkut ittunik ikiorserneqartarput soorlu assersuutigalugu angalanermut akiliunneqariaatsit assigiinngitsut, atuakkanut tapiissutit, ilinniartitsinerit qaavatigut ilaneqarnerat il.il.</p> <p>Taakku saniatigut danskit ilinniarnerminnik naammassinnittut Kalaallit Nunaanniinnertik pissutigalugu SU-mit taarsigassarsianik utertillugit akilersornissaannut kinguartitsisinnaanerak eqqunngilaq. SU-mit taarsigassarsisimasut tamarmik januarip qaammataanni qaammatisiutit ukiuanni ilinniakkamik naammassinninnerup kingornatigut utertillugit akilersuinerit aallartittarpaat, tak. Naalagaaffimmit ilinniagaqarnerisutit pillugit inatsimmik nalunaarut nr. 39, 15. januar 2014-imeersumi § 35, imm. 3 (SU pillugu inatsit). Utertillugit akilersuineq kinguartinneqarsinnaavoq suliffissaaleqineq, napparsimaneq ernineq imaluunniit sakkutuujusariaqarnek pissutigalugit, tak. ilinniarnermi</p>
--	--	--	---

			<p>taarsigassarsiat naalagaaffimmit qularnaveeqqusikkat pillugit nalunaarut nr. 1591, 13. december 2007-imeersumi § 2, imm. 3-mi oqaasertaa siulleq. Malittarisassani taakkunani kalaallit ilinniarnerminnik naammassinnittut SU-mit taarsigassarsisimasunut aamma pineqartunut ilaapput, aamma danskit ilinniarnerminnik naammassinnittut paarlattuanik taarsigassarsianut akilersimasat 100 %-iinig tapiiffigineqartarput.</p>
<p>Siunnersuut kalaallinut ingerlaqqiffiusuni ilinniartunut ukiunit tallimanit sivilunerusumik ilinniartunut kinguneqartussaavoq. Taamaalillutik taarsigassarsiat akilersorniarlugit ilinniarnerminnik taamaatitsinnissaat angerlarlutillu ilinniagaqanngitsutut suliffiqalernissaat aarlerinaateqarsinnaavoq, aammalu ilaqarlutik uterusunnavianngitsunik.</p>	Avalak	Naamik	<p>Tamatumunnga tunngatillugu paasissutissiissutigineqassaaq ilinniartut ukiunik arfinilinnik piffissaligaasimasumik ukiuni arfinilinni ilinniarnerminnik naammassinninniartut utertillugit akilersimasaasa 100 %-iinig tapiiffigineqarsinnaassammata. Pineqartulli ilinniakkamik ukiunik arfinilinnik piffissaligaasumik naammassinninniarnerminni ukiut 7 ,8, 9, 10 imaluunniit amerlanerusut atorunikkit ilinniarnermi taarsigassarsiat akilersorneqarsimasat 50 %-iinnaat pisortanit utertillugit akiligassanngortinneqassapput. Soorlu ersertoq ilinniartup taarsigassarsiani qanorluunniit pisoqaralarpat akilernaviangilai. Taamaattumik isumaliutit taaneqartut eqqarsaatigilluagaanngitsutut pissuseqarput.</p>

<p>Piffissaq tusarniaaffiusoq juullip nalaani inissinneqartannginnissaa siunissami isiginiartariaqarpoq.</p>	<p>Qeqqata Kommunia</p>	<p>Naamik</p>	<p>Siunnersuut imaalillugu tusarniaassutigineqarpoq, siunnersuut tusarniaaffigineqartunit 4. december 2015-imi tiguneqarluni.</p>
<p>Siunnersuummi taarsigassarsinissamut periarfissat kiisalu taarsigassarsiat akilersornissaannut tapiiffigineqarsinnaaneq pillugu aalajangersakkat eqqarsarnarput. Siunnersuutikkummi ilinniakkamik naammassinninnissamut tunngatillugu aalajangersimasunik ukioqarnissamik piumasagaateqarnikkut imaluunniit aalajangersimasunik ilinniarfissatut piffissaliussaqaarnikkut immikkoortitsisoqalermat.</p>	<p>Kommuneqarfik Sermersooq</p>	<p>Naamik</p>	<p>Taarsigassarsisinnaanermut periarfissap allannguuteqarnera taamaallaat uaniippoq, nunani allanisulli taarsigassarsiat tunniunneqarneraniit ernialersuinerup aallartittalerneru, ernialersuinerlu ajunngilluinnartumik atugassaqaartitsivoq.</p> <p>Taassuma saniatigut ilinniagaqarnerisutit pillugit malittarisassani kajumissuseqarnerulersitsisumik aaqqissuussap atuutsinneqalernissaa pillugu oqaaseqaatini isummerfigineqanngilaq.</p> <p>Kajumissuseqarnerulersitsineq taamaalilluni tassaavoq, ilinniartut ukiunut piumasagaatit allaaserineqartut iluanni imaluunniit ilinniarfissatut piffissaliussap iluani ilinniakkamik naammassinninnermi qaavatigut 50 %-inik tapiiffigineqarsinnaaneq taamatullu 100 %-inik tapiiffigineqarsinnaaneq.</p> <p>Ukiunut piumasagaatit inuiaqatigiit ilinniartitaanerup tapersorneqarnissaanut kissaammut ersiutaavoq, tamanna ilinniagaqarnerisuteqartitsinikkut</p>

			<p>ilinniartitaanerup tapersorneqarneranik ersiuteqarpoq, ilinniartitaanerit aalajangersimasumik sivisussusillit pissarsiffigineqarnissaat kissaataalluni. Pissarsineq annerussaaq ilinniakkat siusinnerusukkut naammassinniffiutillugit, tassami ilinniarsimasut sulinermit tunuarnissaasa tungaannut inuiaqatigiinnit sivisunerusumik iluaqutigineqarsinnaammata.</p>
<p>Allannguutitigut siullertut inuusuttut piginnaasakitsut ilinniakkamik siusissukkut aallartitsiniartut imaluunniit ilinniarfissatut piffissaliussap iluani ilinniakkamik naammassinninniarnermikkut eqqorneqassapput. Tamanna tunngavigalugu pisortat Piareersarfiit pilersippaat, pingaarnertut inuusuttut 29-it tikillugit ukiullit anguniagaqarfigalugit. Taamaattumik allannguutit pineqartut kommunip naliliinera malillugu kajumissuseqarnerulersitsina- viangillat.</p>	<p>Kommuneqarfik Sermersooq</p>	<p>Naamik</p>	<p>Inuusuttut ilinniarfinnut ingerlaqqiffiusunut piareersarnissaannut tunngatillugu meeqqat atuarfianni kommunip pisussaaffimminik eqqortitsiniarluni sulinera immikkut unamminiarnartuuvoq. Kommunimi inuusuttut aatsaat 29- inik ukioqalernerminni ilinniakkamik aallartitsisinnaalersarnerat aningaasarsiornikkut nammineernerulernissaq eqqarsaatigalugu ilinniartitaanerup sunniuteqarluarnerujussuusup pisariaqassusianik allannguinnigilaq.</p>

<p>Siunnersuummi § 29, imm. 2, oqaaseqatigiit aappaat qanoq paasisariaqarpa, tassani pineqarmat ilinniagaqarnersiutitik pisussaanani ilinniarnermi taarsigassarsiat akilersornissaannut tapiiffigineqarsinnaannginneq. Tamanna ilinniagaqarnersiutit pillugit Inatsisartut inatsisaannut nr. 12, 22. november 2011-imeersumut oqaaseqaatini allaaserineqanngilaq.</p>	<p>Avalak</p>	<p>Siunnersuummi aalajangersakkamut oqaaseqaatinit erserpoq, ilinniagaqarnersiutitik pisussaanani pisarsimanerup kinguneranik taarsigassarsisitsinissamut nangaassuteqarnermut tunngatillugu siunnersuutigineqarpoq oqaaseqatigiit tulliani nutaamik aalajangersaasoqassasoq, soorlu ilinniagaqarnersiutit pisassarinnngisat ilinniarnermi taarsigassarsianngorlugit allanngortinneqarsinnaanerat pillugu inatsimmi § 25-mut inneruussissummik ilanngussisoqartoq.</p> <p>Taamaalilluni inatsimmi § 29, imm. 1-imik atuuttumik nangitsineq pineqaannarpoq, tassanga ersermat ilinniagaqarnersiutitik pisussaanani ilinniarnermi taarsigassarsiat utertillugit akilersornissaannut tapiiffigitittoqarsinnaanngitsoq. Aalajangersakkamut pineqartumut atatillugu oqaaseqaatinit ersarilluinnartumik erserpoq, aalajangersagaq imatut paasineqassasoq, assersuutigalugu kukkusumik tunngaveqarluni ilinniagaqarnersiutitik tunniussisoqarsimatillugu ilinniarnermi taarsigassarsianngorlugit allanngortinneqarsimasut utertillugit akilersornissaannut</p>
---	---------------	---

			tapiiffigittoqarsinnaanngitsoq.
--	--	--	---------------------------------

Taakku saniatigut tusarniaanermi akissutunik ukunannga tigusaqartoqarpoq: ASG, KANUKOKA, GE, SIK, Qaasuitsup Kommunia aamma Ilisimatusarfik, taakku siunnersuummut oqaaseqaateqanngillat.